

Conte, conte, liconte

Conte, conte, liconte,
La canha de mon oncle
Qu'a petat e qu'a veishit
e Monsur que l'a sentit!

Escota plan, que't vòl contar ua istuèra vertadèra qui arribè au men oncle Jacob, aqueth pinta-beròi, pèc e hart de moneda de Cremona en Italia...

Un cop èra, que i avè un monsieur qui s'aperava Jacob. Qu'èra hèra ric e qu'avè ua canha qui s'aperava Plumalhona. Aquesta canha, negra deths uelhs blus, que petava hèra. Un dia d'ivèrn, qu'ei it dab era canha en un estanguet de montanha, enas Aups e que s'assedó a costat d'un bandolèr qui s'aperava Tinhós. Aqueth que comprenó hèra viste quant èra ric e esvarjat eth men oncle...

Aqueth bandolèr que'u digó:

T -Espia, ua lur!

Eth praube pèc que responó:

J -Qué s'apèra ua lur?

Ne n'avè pas jamei vist pr'amor n'èra pas jamei sortit dera soa vila.

Tinhós que l'expliquè:

T - Ua lur de neu, vè véder dehòra!

Que volè panar eths sòus de Jacob e tad aquerò que'u se calè tirar deth paisheu...

T: - Tè, que i a lo camin deth vilatge eth mes aisit. Si gahas aqueth camin, que vas trobar un endret en penent superbèth! Jo que vòl véder un amic.

J: - Oc, vè véder eth ton amic.

Que partín cadun deth son costat. Aqueth endret on l'enviè Tinhós, qu'èra hèra maishant pr'amor que i avè lurs cada an, ivèrn com estiu! Mes eth pèc qua vedó ua lur que volo har era capirona dehens pr'amor ne coneishè pas arren ara neu! Mes malaja! Era lur que gahè a Jacob e Plumalhona.

Tinhós qui pistava de darrèr un castanhèr, qu'ac avè tot vist e qu'anè tar estanguet tà díser:

- Viste, Jacob e Plumalhona que son caduts en ua lur!

Tots eths pinta-beròi que partín salvar a Jacob e Plumalhona mes pas Tinhós...

Un cop solet, que panè tots los sòus deth monde.

Ena lur, Jacob que's pelava, qu'avè met de's morir. Mes, la Plumalhona que petè e que veishí tant hòrt que hasó un horat. E eth monde que vedón a Jacob e era canha.

- Oh, be put ací!

- Espua, que i a Jacob e Plumalhona!

Lèu que'us entenón tanben:

- Viahòra! Viahòra!

- Waf! Waf!

- Mes qué hètz ací? Ací que s'apèra Eth Mauhorat, cada an que i a lurs qui auciden viatjadors....

-Mercés a tots! Qu'estó borrat per Tinhós...

- Mes on ei aqueth traishamant?

Quan tornèn tar estanguet....tot panat! Alavetz, que vedón hèra de traishs ena neu... Jacob pegòt que botè eras soas bajaulas e que vedó eths traishs deth traishamand. Dab eth vilatge e eth nas de Plumalhona, que seguín eths traishs e que trobèn a Tinhós. Qu'èra esconut ena soa cueva, en trin de comptar eths sòus! Alavetz que'u hiquèn en preson dab dus arrevira-moquira, tres tecas, trucs e patacs e que hestejèn Jacob e Plumalhona dab tots los pinta-beròi deth vilatge.

E cric e crac
Tinhós embarrat
E crac e cric
Jacob e Plumalhona embriagats!